



Sud Bosne i Hercegovine

Суд Босне и Херцеговине

Broj: Su-08-335/22

Datum: 21.11.2022. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-334/22 od 21.11.2022. godine u otvorenom postupku javne nabavke računarske i biro opreme za **LOT 4 - Skener** – JRJN 30232110-8, donosim

ODLUKU

o izboru drugorangiranog ponuđača za nabavku računarske i biro opreme
LOT 4 – Skener

član 1.

Stavlja se van snage Odluka o izboru najpovoljnijeg ponuđača za nabavku računarske i biro opreme po lotovima za **LOT 4 – Skener** broj: Su-08-259/22 od 13.10.2022. godine kojom je izabran ponuđač "**FIXIT**" d.o.o. Sarajevo, sa sjedištem na adresi Zaima Šarca 34, po ponudi ovog ponuđača broj: 280922/MC004-T od 28.09.2022. godine za ponuđenu cijenu od **2.749,00 KM** bez PDVa.

Prihvata se preporuka komisije za javne nabavke broj: Su-08-334/22 od 21.11.2022. godine o izboru drugorangiranog ponuđača "**C-SERVIS**" d.o.o. Sarajevo kao drugom najbolje ocijenjenom ponuđaču sa sjedištem na adresi Antuna Hangija 31, po ponudi broj: 220926-01/MJ od 26.09.2022. godine za ponuđenu cijenu od **4.050,00 KM** bez PDV-a.

član 2.

Prijedlog ugovora za nabavku računarske i biro opreme za **LOT 4 – Skener** dostavit će se na potpis novoizabranom ponuđaču "**C-SERVIS**" d.o.o. Sarajevo po isteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke, dostavi dokaze o ispunjavanu uslova lične sposobnosti prema članu 45. stav 1. kako je zahtjevano tenderskom dokumentacijom za predmetni postupak javne nabavke.

Član 4.

Ova odluka objavljuje se na internetskoj stranici Suda Bosne i Hercegovine i stupa na snagu danom donošenja, te se dostavlja svim ponuđačima koji su učestvovali u postupku javne nabavke u skladu sa članom 70. stav 6. Zakona o javnim nabavkama.

član 5.

Za realizaciju ove odluke zadužuje se Komisija za javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke računarske i biro opreme po lotovima broj: Su-08-204/22 od 22.08.2022.godine. Javna nabavka je provedena putem otvorenog postupka broj: Su-08-226/22, a procijenjena vrijednost javne nabavke za LOT 4 – Skener bez PDV-a je 2.100,00 KM. Obavještenje o nabavci objavljeno je na portalu javnih nabavki pod brojem 243-1-1-37-3-20/22 od 07.09.2022. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske i biro opreme po lotovima za LOT 4 - Skener. Komisija je blagovremeno i pravilno izvršila javno otvaranje ponuda dana 28.09.2022. godine i sačinila Zapisnik o otvaranju ponuda koji je prosljeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle tri (3) ponude: “FIXIT“, “C-SERVIS“ i “DIGITARIJA“,i da nije bilo neblagovremeno zaprimljenih ponuda. Ponude ponuđača “FIXIT“ d.o.o. i “C-SERVIS“ d.o.o. su ocijenjene prihvatljive i u skladu sa tenderskom dokumentacijom dok je ponuda ponuđača “DIGITARIJA“ d.o.o. ocijenjena neprihvatljiva. Ponuda ponuđača “DIGITARIJA“d.o.o. je ocijenjena neprihvatljivom iz razloga što izjave iz člana 45. i 52. nisu ovjerene od strane nadležnog organa, aktuelni izvod iz sudskog registra nije ovjeren i izjava o garanciji za upotrebljivost, ispravnost, kvalitetu isporučene opreme i servisiranju opreme u servisu ovlaštenom od strane proizvođača opreme nije dostavljena, pa prema tome ne ispunjava uslove koji se traže u tenderskoj dokumentaciji.

Za ovaj postupak je predviđena e-aukcija. Obje prihvatljive ponude (“FIXIT“ i “C-SERVIS“) su unesene na web portal javnih nabavki BiH radi zakazivanja e-aukcije. E-aukcija je počela dana 12.10.2022. godine u 14.30 sati a završila je u 15.00 sati. Tokom trajanja e-aukcije nije bilo podnošenja novih ponuda te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača “FIXIT“ d.o.o. Sarajevo sa ponuđenom cijenom od 2.749,00 KM bez PDV-a, a drugorangirana je ponuda ponuđača “C-SERVIS“ d.o.o. Sarajevo sa ponuđenom cijenom od 4.050,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je prvorangirani ponuđač “FIXIT“ d.o.o. Sarajevo izabran primjenjujući kriterij najniže cijene koja je ponuđena u iznosu od 2.749,00 KM bez PDV-a.

U skladu sa nevedenim donesena je Odluka o izboru najpovoljnijeg ponuđača za nabavku računarske i biro opreme za LOT 4 – Skener broj: Su-08-259/22 od 13.10.2022. godine kojom je izabran ponuđač “FIXIT“ d.o.o. Sarajevo. U postupku za nabavku računarske i biro opreme po lotovima za LOT 4 – Skener, nakon izbora najpovoljnijeg ponuđača “FIXIT“ d.o.o. Sarajevo, izabranom ponuđaču kao i drugorangiranom ponuđaču “C-SERVIS“ d.o.o. Sarajevo, i ostalim ponuđačima u postupku upućeno je putem pošte obavještenje o odluci (broj: Su-08-269/22) i odluka o izboru ponuđača (broj: Su-08-259/22) za predmetni postupak dana 14.10.2022. godine.

Izabrani ponuđač “FIXIT“ d.o.o. Sarajevo je dana 21.10.2022. godine dostavio dokaze o o ispunjavanju uslova lične sposobnosti prema članu 45. Zakona o javnim nabavkama u roku od 5 dana od dana prijema obavještenja, a uvidom u dostavnicu je utvrđeno da je isti obavještenje o odluci zaprimio poštom dana 18.10.2022. godine. Nakon protoka zakonskog roka od 15 dana od primitka obavještenja o izboru komisija je dana 10.11.2022. godine na adresu ponuđača “FIXIT“ d.o.o. poslala prijedlog ugovora na potpis. Ponuđač “FIXIT“ d.o.o. Sarajevo je dana 18.11.2022. godine na adresu suda poslao dopis u kojem komisiju za javne nabavke obavještava da odustaje od nabavke i zaključenja ugovora. Kao razlog odustajanja ponuđač “FIXIT“ d.o.o. je naveo da nije u mogućnosti ispoštovati tražene rokove isporuke robe u predmetnom postupku.

Po primitku obavještenja, komisija za javne nabavke se sastala dana 21.11.2022. godine i konstatovala da, s obzirom da je prvorangirani ponuđač “FIXIT“ d.o.o. Sarajevo odustao od nabavke i zaključenja ugovora pod uslovima navedenim u tenderskoj dokumentaciji i ponudi koju je dostavio, time su se stekli uvjeti iz člana 72. stav (3) tačka f) Zakona o javnim nabavkama za dodjelu ugovora drugorangiranom ponuđaču, slijedom čega komisija predlaže da se ugovor dodijeli drugorangiranom ponuđaču u postupku. Pregledom zapisnika o ocjeni ponuda i izvještaja o završenoj c-aukciji utvrđeno je da je drugorangirani ponuđač “C-SERVIS“ d.o.o. Sarajevo sa cijenom od 4.050,00 KM bez PDV-a, pa je komisija za javne nabavke dala preporuku da se isti izabere kao drugorangirani najpovoljniji ponuđač.

U postupku ocjene provedenog postupka, rukovodilac ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor drugorangiranog ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je drugorangirani ponuđač “C-SERVIS“ d.o.o. Sarajevo izabran primjenjujući kriterij najniže cijene koja je ponuđena u iznosu **4.050,00 KM** bez PDV-a.

Iz navedenih razloga, primjenom člana 64. stav (1) tačka b) i člana 72. stav (3) tačka f) Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od deset (10) dana od prijema ove odluke.



PREDSJEDNIK SUDA
Ranko Debevec

